

Disposiziuns executivas davart il fond da stipendis da la Baselgia catolica dal Grischun

Relaschadas da la cumissiun administrativa
ils 3 da fanadur 1972, revedidas la davosa giada ils 10 da schaner 2008

Art. 1 Inoltrar las dumondas

Dumondas per retschaiver in stipendi pon vegnir inoltradas mintgamai l'atun al departament da finanzas da la cumissiun administrativa cun agiuntar in rapport da la direcziun da scola ed eventualas ulteriuras agiuntas.

A la dumonda èn d'agiuntar ils sustants documents:

- rapport da la direcziun da scola;
- dumonda e decisiun dal DECA dal chantun GR;
- copia da la davosa decisiun da taxaziu legalmain valaivla.

Art. 2 Publicaziun

Ad ina communicaziun publica vegn renunzià.

Il secretari da la cumissiun administrativa orientescha mintgamai l'atun la direcziun dal Seminari da spirituals, da la Scola claustral da Mustér, da la Scola chantunala e da la Scola auta da pedagogia dal Grischun davart las pussai-vladads existentes da stipendis.

Scolars en autres scolas medias po la cumissiun administrativa render attents da cas a cas a la pussaivladad da retschaiver in stipendi. Quai po succeder dad ella anora u sin recumandaziun da terzas persunas.

Art. 3 Examinaziun e proposta

Il departament da finanzas da la cumissiun administrativa examinescha las dumondas e procura per la coordinaziun cun l'uffizi chantunal da stipendis.

El suttametta per mintga dumonda in rapport ed ina proposta a la cumissiun administrativa.

Art. 4 Criteris d'examinaziun

Per l'examinaziun da las dumondas e la concessiun dals stipendis valan las prescripziuns da la lescha chantunala da stipendis e las disposiziuns executivas correspondantas analogamain.

Art. 5 Import dals stipendis

In stipendi mutta per mintga onn da scola min. a 1000 e max. a 4000 francs. En cas spezials pon questis imports variar excepziunalmain.

Art. 6 Decisiun e communicaziun

La cumissiun administrativa decida per regla en la davosa sessiun da l'onn davart la concessiun da stipendis. La decisiun è da communitgar en scrit als petents.

Art. 7 Pajament

L'administraziun da la cassa procura per il pajament dals stipendis.

Art. 8 Entrada en vigur

Questas disposiziuns executivas entran en vigur il 1. da fanadur 1972 e valan per l'emprima giada per l'onn da scola 1972/73.